

補續全蜀藝文志

補續金蜀秋文志卷之四十

黃岡杜應芳

裁訂

景陵胡承詔

文類

謁文宣王廟文

王十朋

惟夫子之道一以貫亦奚間乎適遇不陋九夷而欲
居行乎蠻貊如一家今坤維文物之富人才之盛有
洙泗風而無媿於諸華荀非聖教之旁達豈一文翁
能化之耶某一小書生蒙恩帥已媿無果達藝之才

可決從政而亦粗知富庶教之何加若夫事賢友仁
與學道而愛人也固不敢不勉所欲與諸生共勉者
曰忠曰孝曰思無邪

訓昭烈廟文

前人

嗚呼東都之季盜窺神器分鼎者三帝乃劉氏有商
皇度有光武氣有王佐臣無中原地以區區蜀抗大
國二天厭漢德壯圖弗遂功雖少貶四海歸義求安
故官遣迹可記君臣有廟英雄墮淚歲月漫遠棟宇
莫治其來乎是邦過而興喟一新廟貌薄薦敝戟旁

觀人陣細讀三志我雖有酒不祀曹魏

謁武侯廟文

前人

丞相忠武蜀之伊呂高臥南陽悲吟梁甫草廬之中
三顧先主將漢是興非劉君與臣魚水蛟龍雲雨
才十曹丕志小寰宇假令無死師一再舉吳魏可吞
禮樂可許寧使英雄墮淚今古將畧非長庸史之語
某受命天子來帥茲土嘉觀八陣果至夔府廟貌僅
存風流可覩旁有開張一龍二虎安得斯人以消外
侮

祭漢先主昭烈文

明獻閣

維洪武二十四年歲次辛未十二月二十八日敢昭
告於漢昭烈皇帝漢丞相諸葛忠武侯曰龍興雲從
君明臣良曠千載而一遇何會合之不常曰若稽古
寔惟成湯三聘莘野承筐是將咸有一德革夏爲商
歷嬴秦而兩漢孰能襲其遺芳偉中山之帝胄當群
雄之擾攘驅炎燄於寒灰時三顧於南陽情交靡於
魚水言靡間於關張保岷峨控荆湘三分天下開拓
封疆信同心而協力視當代而有光予丕仰於休風

幸開國於是邦觀闕宮之頽圯歎古柏之荒涼命我
將士繚以垣墻屹棟宇之壯麗煥丹青之焜煌新規
模於今日聚精神於一堂著厥成功我心孔臧遣官
致祭醺酒封羊惟帝與候神其洋洋佑我蜀民降福
穰穰

祭杜子美文

前人

維洪武二十六年歲次癸酉十二月某日遣官以牲
醴之奠致祭於草堂先生杜公曰先生距今日之世
數百餘年而成都草堂之名至今尚而猶傳予嘗縱

觀之萬里橋之西浣花溪之邈尋草堂之故址黯衰
草兮寒烟是以不能無所感也於是命工構堂闢地
一厓扁舊名於其上庶幾過者仰慕乎先賢然人之
所傳者先生之遺編也而予之所羨者蓋以先生一
飯之頃而忠君愛國之念怱怱雖其出巫峽下湘川
罔不戀戀於此而先生之精神猶水之在地無所往
而不在焉爰矢辭於翰墨寫予心之悄悄臨風醺酒
尚其來旃

立杜工部祠祭文

許應元

承聖皇之景况返按職於夔子陟赤甲之嶺岷歷
東屯之遺址悼哲人之逢尤居委約於江潭睹鴻藻
之縝紛增累歎而泚瀾昔三季之末造閔斯文之墜
地閱五祭之亶延王風鬱其蒸穢惟夫子之淵淑秉
至精於上皇挺姱節之崔嵬吐昌辭之琳琅遭濁
世之紛拏嫺遭連以窘蒞顧江皋而戾止淹三年以
東驚瞻遺墟之遼廓歎禾黍之離離敞崇宮於北阜
願招神以來棲山有椒兮沚有蘭鑒之來兮雲旗翻
靈兮靈兮河樂胥巴謳楚舞神所娛殺丞重闢不可

以遽往神不樂此其焉如尚饗

祭鄒立齋文

陳獻章

嗟嗟汝愚不括其襲而晦其光汲汲皇皇不小其節
而畏其折轟轟烈烈昔在翰林語默淺深孰識其心
頃來南海窮而不晦乃見其介業以時興行以志成
君子之貞貞德之幹毋受天損何命之短已而已而
天道無知哀此孤嫠死不辟險生必就檢是曰無忝
比風蕭蕭雲旌搖搖蜀道之遼觴酒豆肉盡此一哭
竟返無速

同前題

張吉

嗚呼先生爲人可謂無負於天矣天之所以禍先生者何其慘耶視其官而奪其壽孤其子而寡其妻將不欲使斯人復爲善邪抑所以報之者日久事定而後是耶將毀命物之道而聽其自相傾軋邪抑予奪之柄潛移默奪而不得以自專邪若此者非予之愚所能明也先生沒矣夫復何言嗚呼哀哉嗚呼痛哉

同前題

楊廉

嗚呼汝愚縱子以讀中秘之書削乃草疏而論執政

之臣置子以於瀛洲之上曷爲取禍而投瘴海之濱
子體甚弱奚宜遠行豈知有其國而不知有其身子
有父在家故食貧豈盡忠於君而不得暇顧其親嗚
呼寔子之道如此得程書而不能久於朝廷匪子之
志如此而不欲以皓皓之白而蒙世俗之埃塵方子
之計至予猶疑其未真不然何殷元城於嶺外者竟
一夜而斃胤子瞻於儋耳者卒不能不使之返輪旣
而詢得其實始哭於寢門而涕淚爲之沾巾嗚呼傷
哉痛子妙齡

祭宋景文

張時徹

先生學究天人之際道迴濂洛之宗才優經濟之具
志存禮樂之隆可天造之草昧乃嘉遜而居其遜史
職而不居入龍門以采芣綜百家之邃旨駟六籍之
夷庚觀其四符八樞十二微之著蓋非徒驚神於藝
文之固而實欲趾烈於三代之英達元運之告逝當
真主之龍興肆蒲輪以手聘乃奮翬而揚翎班學士
之清秩亦奉命以授經紆繡轂之鴻猷宰文章之
正盟方君臣之同樂聚夷夏而欽名師大雅之明

哲遂乞身而宅畊何鴻鵠之旣衆而縉緇之復嬰終
殞身於遐甯情旅魂之氣氣寧首丘之弗懷同湘纍
以風粟零嗚呼遭屯而鵬伏兮固哲士之恒也際泰而
靚閔待非凡衆之斯明也歷年禩之渺邈煥耿光其
若生播靈爽於作服衍道派於葵城雖砮璠之異尚
孰品德而不京矧小子之固陋寔是鑊而是繩瞻遺
像之奕奕涕旣隕而沾纓踐丘遶以致奠庶表著華
休聲

祭方孝孺文

前人

昔孔子有殺身成仁之訓孟子有舍生取義之箴而
先儒釋之曰只是成就一個是而已於乎若正學先
生之死非所謂殺身以成仁者耶非所謂舍生以取
義者耶非所謂成就一個是者耶蓋乙丑之變靖難
之師入矣革除之君亡矣文皇既踐寶祚親則
高皇帝之子也非若異姓之革命也非有市朝之遷
易社稷之變置也人心依戴縉紳比肩而事之而先
生之隆德重望又文皇興用事左右之所傾慕而必
欲致之者也使當是時於所謂曰仁曰義口是者見

之不前而持之不堅未有不蹙蹙而就之者矣何乃
裹裘而行援筆而慟書詞以絕命不忍一詔之草而
耳以其身裂肝醢膚而使親族八百四十七人者相
從於魚肉也蓋先生之生也應木星之祥宜其出也
被 高皇之眷文足駕蘇黃而不屑爲學必肩瀝洛
而不遽止方將窮源洙泗而比績伊傳使道符逝聖
功贊二儀斯已矣至抱夷齊之介而徇死節之名則
先生之不幸焉耳古稱死有輕於鴻毛有重於泰山
若先生之死其謂之鴻毛乎其謂之泰山乎 文皇

嘗語人曰彼食其祿自盡其心耳 仁皇亦曰若方
孝孺輩皆忠臣也以二聖之言若是則奚俟于久而
後論定哉於乎先生之仁成矣義取矣是就矣死且
不朽矣而天下後世猶致恨而不已者則以九族盡
夷而使千百年之宗祀不血食也嗚呼哀哉徹也生
同桑梓誦先生之遺文跋先生之芳烈未嘗不惻然
而悲潛然而涕也乃今持節劔南實先生流寓之地
顧瞻廟祀其爲悲也涕也又豈如恒情而已哉乃原
先生之心而告之幽宜之中其謂余知先生也耶其

謂不知先生也耶

祭蜀成王文

余承勛

於維蜀國賢王肇裡朱邸麗精誕慶於金維濬哲玄
珪景祚延輝于玉牕珠聯寶系繼體垂裳海浸銀潢
承祧握璽親如盤石結岷峨之固以爲藩位絕分茅
約江漢之宗於同軌允矣壯諸侯之屏翰居然享一
國之尊榮嚴馮翼以保躬擅東平爲善之樂崇墳素
而紆學陋陳思作賦之才墨沼飛毫圖披龍馬錦波
濯句綵絢雲章好古崇儒擬猷河間之雅樂修先助

國王魯獻萬金助修太廟載襄東海之錢縑孝思仰豫于舜憂

寵渥極詣乎堯睦褻綸驛鳳發中賚於維城宸翰標
輦邁優稱乎宗老茂本支于百世與國同休錫土田
以附庸保邦作則淑匹嗣徽以孚化哲昆蓄德以承
熙懋茲天府之洪圖迥冠諸藩之丕構庶徵碑隱順
氣旁行視履齊光穰休茲至魯厭綺都之阨僻言彙
仙館之豫游沴景翔氛慨遐升乎虬輔參墟集霰嗟
晏出於虎闥遺弓掩謁以號烏哀仗歲祀而委素幽
局佇啓祖筵戀戀以威紆靈駕將馳虛衛遲遲而徙

靡拂巖松而沍露度隴隱以嘯商雲暗寢園戒河山
以藏密月沉泉殿終宇宙而棲玄廟肅肅而朝百靈
君皇皇而行萬禩此則賢王先造物而逝後昊穹
而存者也承勛屏居賤士世荷恩私授檢璽宮賦慙
郢琢曳裾香掖坐讓枚延遽傷乖遇而長離乃睠英
風之不隕嗚呼淮南冲舉兮已化華胥夢游兮弗醒
御祥飈兮寥廓儼陟降於紫庭挹瓊漿於北斗兮采
香蘋于南澗酌蕪辭以寓哀兮昭彤纓兮如鑒

祭三賢祠文

郭棐

維萬曆二年歲次甲戌秋九月壬申朔越廿有八日
某謹致奠於少陵杜先生康節邵先生潛溪朱先生
之靈曰於厚豪傑之生世也或顯或隱其道不同而
惠澤之流被也無久無暫其感則一惟三先生寔貴
于變其演功有臺榭興有味龍門有述瑰瑋傑特之
製作既與日月並輝光其間鵠不樂一舫不忘百折
不挫忠耿磊落之精誠又與川嶽同流峙立言立德
奕禩彌光純節純心曠世相感顧茲祠宇思繫士民
歲月邈歸櫟棟頽圯某承乏茲土拜瞻惻然諏吉鳩

工尅期竣事神昧斯安馨惠彌芳敬滌牲牷薄申誠
悃惟靈昭假福茲氓萌尚饗

祭赤甲山文

癸酉七月朔日

前人

夔多火災民咸謂赤甲山爲祟也予竊謂神職在福
民奚忍崇之敬具牲醪於觀文樓遙望山神奠而祝
之詞曰繫茲山之嶺岬作夔門之巨鎮儼飛轡之特
起緬群峯之揖遜如龍躍於九淵若鳳翔於千仞何
升木之絜濯乃赤胥之嶙峋彼閭閻之黔黎苦回祿
之煨燼謂山神其尸之威蹙額而頗徇予惟神之挺

蠱著一方之靈信人依神以胥宇神福民以膏潤胡
利澤之弗被悉煇煇以加釁斯愚冥之臆度豈正直
之所任予願神之鑒觀懲斯民之疾疹驅雷車之轟
鎬滅火輶之燐熒掃餘灰於累劫廓雄威於一震人
籍之而悵喙物由之而於牝庶奠屢于四垠歛休嘉
于百順匪惟息群庶之流言抑且騰千禩之芳聞惟
神其圖之尚饗

祭胡子昭文

曾三省

嗚呼臣子於君弟子於師義等在生生死以之

文皇靖難公致其命希直徇君公嗣其勁二百年來
忠魂黯黯聖人曆服明詔痛焉曰修俎豆曰錄苗
裔祖武孫謀善述善繼獨有專祠何以祀方公出
其門宜列於旁赫赫坤維視此正氣日月精光同流
罔既公也伯夷弟亦叔齊另有褒表公其慰乎

祭張監軍文

李化龍

嗚呼鄙諺有壯人死留名誠得死所雖死亦生惟公
誕河山之粹氣毓燕趙之精英負奇節悲歌慷慨臨
事輒憤腕不平當其奔山海節蘭灝監軍光沉封閉

稱北門之鎖鑰亦嘗鳴劍抵掌絕大漠以橫行既逆
酋之發難遂杖策而西征和門數語肝膽立傾語時
事腐心動色恨叩九閭之無路談叛逆嚼齧立髮
願捐七尺以相從遂戎服而蹈重關之險乃匹馬而
監却月之營信明天日威肅雷霆望之者鶴唳風聲
而避歸之者簞食壺漿以迎既抵賊壘獨主齊盟時
授袂而作三軍之氣時揮戈而倡九地之攻義形於
色即衆怒群猜其奚恤威加於敵遂灰飛電掃以成
功蓋聞初五之戰公獨搖旗助喊與賊相持者終日

勅六之入公則勺水不下卒至勞形而敝精蓋夫功
立病以此成者與嗟夫公之死非一端矣當其
機可乘而輒失盟屢叛而無功其養虎而遺患誰築
室而返耕縮胸者爲賊所愚至不以一矢相加遺庸
債者縱恣剽掠等三尺若一髮之輕即走卒爲之氣
塞何況受命而監國之兵又況乎三月之間山嵐水
瘴之與居困苦飢渴之相仍公之死勞耶憤耶憂耶
鬱耶不然胡爲乎以飄飄凌雲之氣不數日而失藏
山之怒咽隣山之聲嗟乎公則死矣赤膽忠心之士

竟與山原之道殪同命世之容容碌碌者何限徃得
飽富貴而享功名碩廉頗藺相如其人死矣千載之
下猶有生氣曹蜍李志奄奄如泉下人何足爲生憶
當五月望後義師漸老余且脂車秣馬欲馳入柳營
而親取衡命者之首乃以家計而不果於行獨洒泣
而草檄誓一死以激群情即大衆不無感動公獨搏
膺填足矢諸天日遂以一日而克萬仞之城然則公
之死半爲國半爲我也余亦何心而不掩泣趲袂涕
洟瀾而淚縱橫臨風一奠茹哀數語蓋半以紀公徇

國之蹟而半以洩吾不平之鳴嗚呼哀哉

祭房張二將文

李化龍

嗚呼二將軍之死也經歲於今矣人亦有言死有重於泰山有輕于鴻毛如二將軍之死輕耶重耶夫逆賊應龍淫怒以逞荼毒生靈原野厭人之肉川谷流人之血既有年于今矣人臣無將將則必誅封疆之臣滅此朝食豈侯問哉乃數年來未有顯言誅之者何也懦者以私婪者以賄苟就一切之利而不顧國家久遠之害晚近庸臣大抵然耳蓋顯言誅之自

房將軍始將軍提一旅捍孤城豈足以當播州之全
師顧義氣所激直欲粹逆賊而平吞之恩重身輕威
尊命賤所從來矣迨逆賊卷土而來相與從事於頗
行將軍不沮不懾擁孤軍以抗強敵又得謀勇俱足
如張將軍其人者左右其間一戰東溪再戰四堙奮
臂一呼萬夫辟易斬將塞旗潰圍陷陣何其壯也終
以力盡援絕鼓衰士散竟至以身殉城然其英風義
烈猶足吐懦夫之氣激壯士之肝亦已奇矣且有二
將軍死而後賊負不可赦之罪人堅必誅賊之心九

伐方張四征伊始此非賊能死一將軍乃二將軍能
賊賊也假令守碁江者非有磊磊落落如一將軍必
且與賊通必且爲賊請卷其鱗甲長其羽翼突而鵠
起席卷川巴李特王建前事不遠耶不然殺人者可
以不死無君者可以自全將使人懷間留之心戶比
齒馬之助僭擬成厥綱常掃地不及十年人其戒乎
凡鮮陸沉豈足爲喻蓋一將之死非獨以存蜀是天
下理亂得失之閑也耶謂之重於泰山是耶非耶嗟
乎人誰無死以法死以財死以寒疾不可汗五日死

以飲酒御婦人死等死耳。要以生無榮名死無令。縱使百千萬劫只如未生。且遣之矣。矣則其死輕也。二將軍死既間。天子嘉其義。列贈以極品。賞以延世千秋廟貌。比於睢陽。嗟可不謂重耶。龍旣入渝城。誓師剽逆。高一將之義。乃爲文以祭之。二將軍有靈。當且率綦城之厲鬼。以殺賊。始信二將軍果能滅賊死。乃益重也。尚饗。

祭宋學士文

彭端吾

嗚呼先生。生於浦陽。迺

主於集慶。而卒於白帝。乃

塋於華陽嗚呼先生胡爲而至於此凡危疑憂患之
中人也必其人暗於幾勢誕謾無方不然則劓復自
用才伎甚張也先生辭官大羊之代著書龍門之旁
席跡以俟泰運校策而應明昌可謂知微而知彰矣
暗殺首戒嘗寧仁孝急歸元良春秋致刑賞中論
略以興謨爲匡方丘陳清心寡欲之對齊室悉三代
有道之長就業存朽索之鑒納約貸廷衍之狂可謂
過而而美時矣家事無隱於眉側溫樹不對於子行
片言皆可私殺微善必其廷揚九年不毀人一短終

身不矜寵通常可謂忠愍而誠莊矣郊廟山川百神
之典朝會慶好律曆之經四夷貢宴齋賞之節助舊
卿士功德之慶酌百世之儀則定一代之圓方每奏
未嘗不稱善草創燦然有紀綱可謂述作之煌煌者
矣甘露獻仁主之頌旨酒醉學士之章賜馬恩鴻驥
泣咏鷹信納禽荒文綺隆四皓之訓襲衣儲百歲之
裝請老猶遲其杖屨夢寐勤勞於明王可謂極寵眷
而榮光者矣其獨攻交墨而不願任事也蓋已懼權
勢之披猖且奉勅撰文賜日本使而必却其金也蓋

已避外交之微芒其不欲家私富貴而久遠爲子孫計也蓋已慮寵盛之或戕而卒以其孫慎坐逆黨疑逮禍即發於先生所忌防嗚呼先生之忠可信於

帝之平日而不能無疑於倉皇先生之信可令備

君爲之掇水國母爲之齋誦而卒無解於帝之

中藏嗚呼知人難帝猶難惟先生對數人不可測誤

帝帝不可測焉得不誤其躬事勢至此亦不可得而

藏矣嗚呼先生不能全始終於高帝歟猶幸得於

獻王竟不幸旅殞於甕子骨猶幸孫遷於華陽慎不

幸顛出於震位擇猶幸續濟於坤方端吾櫓轡訪古
過淨居寺憑先生之丘而吊焉慕先生之道惜先生
之亡聊為先生導疑滯於九地寫幽沈於一觴也嗚
呼尚饗

補續全蜀文志卷之四十五

黃岡杜應芳

裁訂

景陵胡承詔

雜著

題旌陽道院疏

德陽縣舊志

宋張浚

滿空咄咄因逃儒而歸楊得意飄飄更避堂而舍蓋
昔指隱侯之故宅又傳東老之詩仙幾年過城南識
老樗精一日棄人間從赤松子旌陽斬蛟第二劍有
時重來揚州騎鶴寸萬錢予何暇辦諸賢樂與勝事

便成三千年歸城會其手摩于銅狄七十二福地誰
知山施于金公

德陽縣學官題石

無名氏

因石昇以庭宇勝飲江之釐福是飛簷與鐵柱掃清
江之齋淪眩古潭之石火涵萬象于瑤昆耿月魄以
終夜湛天容之方春信蒼蒼之非色極深遠而自然
疑貝闕與珠宮有玉函之老人余南征其萬里友魚
鰕與蛭蟻逝將去而反顧託江流以根因此刻二面
相連筆力
遒勁絕似宋人有之以俟知者

梁徵

黃輝

蒙需子問於介幾公脩梁之役議費幾三千金母乃
已侈乎介幾公曰噤知節莫大乎是何侈之云大都
屋也石梁垣也近梁及抵牆壁也石梁距抵牆不四
十丈抵牆距東門只八耳東門內則府廨也往時石
梁東猶有土可數茅店乃至水近梁如之然夏漲絕
梁直戰城腋猶歲苦徧雪令梁內外無冬夏皆水也
梁不復脩數歲也石去土隨地者業十七八是郡將
無垣矣水初生輒入梁直犯東城門何况大漲令歲

水幾入城近梁抵腦北者亦十二三是郡又將無壁
也不垣不壁其何能屋蓋江旣暗移半身於梁之內
以目剗城膚矣雖寇踰牆穴壁主人猶熟寐不省意
水旦夕掃梁而西卷柳灣破近梁抵腦取東門以爲
江身勢不至魚郡不止逮之且魚也而節乃不吝雖
再萬金何及焉以三千易再萬金節耶侈耶蒙需子
愾然曰若是則王旣晚矣子曷不蚤言之介幾公曰
二十許年來僕言之吻燥背無嚮應人蓋慨且以倦
臂懷順寒終不忘此惟耿西周公會續小石梁若干

文乃稍崇抵腦自爲記其後之人有續也以無恙我
郡今又十餘年矣夫小續之良愈於無願非僕所燥
吻言者何也疾深寸不治壽方詎能全然周公可謂
有意其說續修也以施于往日舊梁初成之始及興
日新梁旣成之後而可矣今仁人之疴痒吾郡也幸
甚將爲一勞永逸計必且熟斟酌博聽永唯恐人遺
智物遺力法遺憾使後之人復笑今無人語不去乎
前事不忘後事之師也茲所宜續者拙齋朱公之功
也往朱公爲梁有記詳甚終之曰梁北未盡高南未

盡長各若干丈某事也並以告後之君子甚矣公之
在民遠也使公迂稍緩必且竟之後人皆朱公梁何
至不洽乃今議增北高之延南長之固朱公指也
尾看梁而西南之斜爲橫梁屬於東門之抵腦以禦
水衝亦朱公橫築土堤意也初嘉靖壬寅以往水從
東北來圍城之肩脾小北門外盡爲水至議遷城以
避其銳旣而日遷城與護城孰便遂決意梁之先是
節推勞公嘗爲近梁于小北門之長闊擬修長隄不
果朱公獨創遙梁以得水勢癸卯石梁成漲落土淤水

去城始稍遠夫諸公方抗盾於吳人之城下公乃扼
其吭於數十丈之外智矣哉逮甲辰入計還又續梁
南之高廣較縮人目目小石梁而因小北門之近梁
延修于小東門以屬于大東門之北爲城近護又爲
兩抵牆于大小東門蓋梁垣之近梁抵牆壁之而郡
始得屋中間爲石子隄三柳椿竹篁彌縫之而下限
以橫土隄但未及川石耳衝港填淤壤息葭莩繁于
梁之爲也無遺畫故仁不難慮始勇不難鎮置枕安
漢之民而後乃粗息肩意猶未竟以俟于後公可謂

能爲郡命矣蒙需子曰偉哉朱公之功我也然十屬
歲常修梁江橫日甚奚以故豈梁未足爲郡有乎其
數歲不修也亦云有以子以爲奚若介幾公曰嗟乎
自嘉靖壬寅以至今茲郡安然踰一甲子梁之爲郡
有也大矣然梁不能自有賴人有之其歲修而無益
也人不能有梁之過也自舊梁成而梁之外復護以
竹篴土隨篴淤江勢遂東西高則東下勢也梁成數
年而浮橋與橋頭石砥必置於西蓋陰以培梁梁之
東猶可數店乃至冰也亦以是故其後橋船日益減

小不能蔽江乃置柱東岸以取石子便故東岸漸高
江流漸西梁東土盡無冬夏皆激于水夫邵害于江
若備隣冠尺寸必與爭始事者惟恐江之不束也而
後之人乃若惟愁其不西智之相去有如此者以故
夏漲激梁梁根兀兀怒波雷注梁內之阜出爲大港
于是梁腹背皆水矣以區區之梁而日腹背乎水其
預幾何雖然郡之迫害而幸未卽害也猶賴梁之腹
背指水也若之何棄梁而不之修耶滛潦決塋不罪塋
者之不能而猥謂塋無以爲亦與于惰農之甚者也

夫梁之創也石必巨砌縱橫回互必法合縫必用油灰兩面用石厚數重梁心間用石子稍著黃土耳其後之者不承釐與石日益小砌日益苟且兩面包砌唯一層石中皆沙土狀正如簪角餅然可謂僅同兒戲矣水激沙流石立潰散江之掃梁何啻蟻封哉工曹按籍而稽地曰基屬也下符徵之修不覈其必堅也所屬攤費而赴徵無何曰完矣不懼其卽圯也董工者取塞故事乾沒自潤而不任受罪工人利其復有事而惡地之不速也置石猶棄然朝于梁暮于水

矣上下相習以爲固然曾不之怪或徒私指笑莫肯
訟言卽言又不卽見聽也計每州邑歲費在官者以
猶不下五六千兩鏹而私爲科指又數倍乎此自甲
辰至今一甲子每屬在公之費無慮五六千兩通十
屬則五六萬兩矣而私科數倍不與焉嗚呼此非吾
民可愛之脂膏耶委民之脂膏于梁而不能爲梁有
令十屬之力以事郡而不能爲郡有其虛費無謂孰
甚焉而歲歲安之不見謂侈所謂知二五而不知十
也今將爲一勞之計以遺數十年之安而議費未滿

三千金乃反見以爲侈甚矣人之不知節也夫節美
德也君子務美其實而衆人徒欲美其名苟爲節之
名而已則棄梁亦宜然梁何罪在修人子惡虛費之
無益胡不任人約費而以有益易之乃移人不能修
之罪罪梁之不當修乎是愛目曉忘全體而佐江爲
虐也小燭大闇小審大忘今夫後察秋毫不見泰山
離朱猶然又况乎餘耿狃之愛毛也擢其一莖恒然
呀鳴附火半焦遂巡無聲此流俗之所以笑闇闇也
必欲禦大雷捍大患而謀于挈瓶之一察是安漢可

魚而新舊梁之修無日也徒長些囂囂而已耳仁人之
達觀不然審其不如是之亟川而後將有不及川也
泰山鴻毛虞其用于虛用而不能已其所不得已也
鴻毛泰山以費成節以節紀費節非一齋之謂也其
必不可使齋也猶其必不可使侈也制度適當相因
而不過是之謂知節節行而上下甘之要在乎知人
善任使以如是人幹如是事天下何功不可成而獨
梁乎哉當朱公之首事韓司馬亦以爲訾置時聞而
公不動何也利大費小費乃爲節誠有以見其必然

者也蒙雷子曰昔吾不知脩梁之爲節而棄梁之爲
侈也幸而曠于子之言願聞今所爲續朱公也者介
幾公曰夫舊石梁在東近梁抵腦在西勢正如囊而
患無其底今斜起橫梁首東尾西以爲之底則又續
修新石梁以屬于小南門蕭公祠之南而橫隄在其
北勢又自爲一囊而西岸爲之底橫梁與新梁皆系
于舊梁而岐分如燕尾但新梁長耳是議工之規摹
也近梁抵腦地無幾完之頗易然必務堅如初舊梁
蔽極不茸將盡爲水宜聚力速修之石必巨砌必宏

完其故而後爲加高墻焉使無傾梁則水之銳不可
殺將復戟抵腦橫梁五丈許丈末首江身西尾抵腦
之趾而束勢反高于西一丈許及及乎殆城宜先實
西勘俾稍崇于東而後加之石則橫梁安橫勢雖透
迤而抵柱狂瀾孤危特甚使內無筭與土之可倚水
將萃怒于其間而決圍以去故增舊梁創橫梁必務
實梁內舊之西近梁之西近梁之東棟梁之北勢斜
偃如牛角折而方之可三千餘丈業盡爲一港以射
城正所謂江暗移其半身也者望之使人寒心宜及

時洄厥流而平其凹乃畫罫而椿之因椿而篴之因
篴而土之以篴乃置之豎篴基置之椿必以柳長短
必出于篴縱橫經緯卑高相因夏水之闌入也泥榴
沙直動遭畱礙如集原陣以陷強敵不擒于此必擒
于彼矣且其下又有橫梁束之也一漲一淤借水益
土彌淤利反在漲此兵家所謂因糧于敵者聞濁河
至悍亦倚捲埽竹篴則江之埽耳且柳椿得水生根
上枿數年成林葭蒹游繁梁當益固朱公固嘗用之
記所稱石子隄是也但昔唯臥篴今欲量爲堅篴以

給其衡之空于法者差備焉舊梁修橫梁起角港實
梁內皆土根抵漸固獨以一面東端出水而翼護其外
保可之五之三者相因之工也一時並舉總計百日
工畧可觀是時夏水宜尚未盛卽漲早不能遽如新
議丈尺之數而早一日得一日之工修數尺獲數尺
之利此亦東門以上之工所宜亟圖者也抵腦以南
土故稍廣民居百餘家頌者水擊其背塌及樓屋危
迫號呼控怨無所良爲可念但治水有次第勢必先
上游旣爲橫梁以障其北卽宜續舊石梁以遮其東

漸爲椿筭以實其內使民得還其故居而無獨隅泣
此小東門以下之工所宜次圖者也然則石安取曰
小龍門西厥石遠難致且又不利形家言梁心黃土
安取曰西北山之岸石于安取曰東北沙州是皆順
江可升而至梁也巴舟柳葉不任重載且石巨升不
得細故州必新大小必堅工乃可計耳萃十屬之石
工試其尤所修爲程旌勤罰惰俾巧拙爲一責自爲
保任狀速地者伏其辜募民必願而力者毋取市人
之影射凡若干隊各聽其長長有保工秘中程不中

者罪無貸給募直必以時必如數使人當厥力利其
州器械之宜有使者無所餒懈酌其難易遠近而
節度之俾工無偏苦法立令明時爲不測而鼓舞焉
若是者雖更僕未易數也凡以與江爭郡也然猶未
耳請循其本江身故出東北而南東岸乎鶴鳴山之
麓而西岸乎石梁沮洳之餘土浮橋繫纜兩石柱正
在山下可用爲止其後流漸揭西南而東北游爲洲
橋東石柱復歲歲陷之橋柱今去水已數百步矣湍
流迫隘復束于梁江既失其身之半于東不得不取

價于西故跳梁泄怒而暗移半身以據梁之內今雖
增修舊梁而水之西攻梁也應已時必欲以力東之
雖萬牛不能將遂無術而處此乎曰郡之不能無江
也猶暴隣然徒逆折其怒而不順予其所欲終不能
操之以從我今大水之欲東其性也激溢而西其怒
也殺其怒莫若予之以所欲蓋東北岸旁有斷港焉
水深者冬猶丈江故流也卽夏亦猶盡水也唯水落
則四面皆淤土今所取石子者卽斷港西面欲虛東
以實西也然洲不可殄盡也謂宜深濬其尾溝放于

鶴鳴之南而大疏其首導水入之夏漲則流日旣建
游洲自闢用分江勢而毋使專西江漸而還故身於
東則西患益衰嘗試爲我酹江神曰東君宅也西吾
宅也吾還君東君還吾西不亦可乎江神必且受命
矣良醫之洞經絡也救其下必徹其上標而本之於
奏效也易此于工直半里於道若差緩而練事君子
必首爲肯焉江身旣闊如前卽宜拔浮橋故龍復所
減船以還橋舊觀橋頭石缸必置西岸者爲令北亦
梁之壯資也嗚呼法無必聖聖之存乎人人之可用

實難其機在任人之人尤在任任人之人今才賢輻
輳方相與身臂指而竟朱公之功功宜長與安漢俱
矣朱公甲辰之梁今猶有存者從地處視石巨且厚
曾累井井猝難動搖使人大息想見朱公之爲人韓
司馬記稱公在梁之畧多于堂雖風雨不廢誠心爲
民視國如家古循良何以加諸近歲十屬所修梁隹
大竹十許年猶在云某與史有心計所課築必堅好
梁心盡以石子目泥沙密也莫如用石之黨又雜鐵
片以蟬蛟龍假令分理者若若人何患費虛而功不

止也今安知無若人哉蒙需子曰朱公之慮始艱矣
聞所費官帑才六百金余王何如厥始費于官固宜
爾乎介幾公曰時有古今法之意無古今善法法者
意而不跡朱公時例川差役計十屬之丁糧而賦厥
力所用夫匠總六千二百人壬寅冬工訖癸卯夏甲
辰冬工訖己巳秋除夏漲外民實力在梁者可十四
五月聚六千二百人之力而十四五月于梁其實當
何如唯出于民者不啻于官而佚道忘勞故莫適言
侈今舊梁圯十七八修之視初工十五橫梁雖短而

兩面包砌與近城抵牾累等又增梁之高長而實梁
內之大港濬東北岸之斷港費視朱公時無慮一倍
而議費乃僅僅爾乎唯其不用民力而纖毫皆出官
故出納重之卽委任得人吾猶虞此費之不贍也夫
納六十年來暴殄之數萬金爲最爾實用而豫爲後
來杜無窮之費是今日之銖當前後之兩不啻也奈
何復戔戔愛焉弘度君子必且爲多方營之矣大都
天下事無甚利害固不厭靜害太節除害之利亦不
細圖之無期暮要歸亦不得亡汰然而言之見其爲

大早計及其已然言之何及與其無及也毋寧早計
安漢雖小雅不乏君子之遊外靖日迫豈日未然孰
無柰江河不智苟目前而養害自貽不仁不爲于猶
可爲之時而自令胥于溺不勇之三者安漢之恥也
而重以煩在位之仁人救之唯恐無及豈非天運循
環仍值田辰時至事起復得司命而重造我乎昔者
仲尼過朽閭而趨或曰是久矣仲尼曰吾惡其久也
不速將及閉門之火子貢赴之或曰後子貢曰雖不
能救敢無其心哉夫乍見之蹶積爲固然朽不葺故

焚不救聖賢之一趨一避示與時競也如此有仁人
焉易朽于上孰不心乎救如子貢者夫風雨在天何
預巢穴而巢穴常先知之唯其害之迫已也故遇有
所通雖聖人不能違芻蕘之見蓋竊比是重念六十
年始復一議議而不詳愛費與虛費同卽修之不竟
猶無修然衆人又將以修爲無益而棄梁不議願坐
尤乎職議者則安漢山川蒙恥何極故所爲子言寧
繁不殺如廣境之播誠知獲从然祭饗累黍之君子
亦容有所取之也

真如法藏疏

寺在順慶府

黃輝

夫道惟一耳教乃三焉謂諸鼎分數開九弄願典從
內外性靡梵筭本自混成奚煩瑩拂借如杜口雙林
之座予欲無言舍身一麥之栖吾有何患塵劫終而
真空不壞乾坤毀而太極自如起滅非真有無雙遣
所以分拘廬舍卽爲五百之弓懸黍米珠畢入大千
之界者也然摩竭寂場也疲梁乎五濁毗耶嘿座猶
力幢乎二門豈非絕代難求含消易遠不依名相曷
闡心宗且卅字肩羅紐忘旁正二文面就點失縱橫

義旣絕乎天書體復懸乎奎曲又况金輪密教香土
威音牧乳三吞酪變祥河之水龍珠一獻炷搖火宅
之車徒拈如意之蓮鯨動破顏之悟靈山退席業海
誰航東西南北中天虛觀印度五千四十八卷自蘊
菩提亦可謂非人不行下士大咲者矣旣而化入臺
迥嘿收神駿之轅異相金鋪暗撤祖龍之圖祥通漢
日識應周星自馮開基赤烏展願蔥西貝葉背雪嶺
之藍風茶外藤茂面滄溟之白月教均羅衛法遍脂
那譯潤音咏醍醐生于酥變律詮機別日月不廢燦

明以故圓對六絃救頭進後中開五葉拆臂傳燈何
旨信衣及生如障遂至南能北秀割震旦之鴻溝頗
類無著馬鳴分恒伽之幢影淵匠彌遠末法倍微慕
散聖之無梯狀律僧之有總威儀粗住正觀希聞僅
存幡欽之文見謂瑜珈之教互纏癡癡橫湧愛波僊
音慚共命之禽神曲矣多根之樹想乖鹿死緣絕鶴
林然而佛卽衆生法原平等貧如亡子猶戀寶以寧
家業至屠兒且棄刀而入聖鹿盧結習軌入無間鍾
梵微音已通有頂真諦世諦統中諦以偕中在家出

家會一家而得一莊嚴取性青影何居顛倒惟心空
 拳臂見梵王植草靡借飾于鷺頭天女散花遽移觀
 于鷺子鐵牛自臥金象長流若言極樂園定在西方
 何以大乘氣負歸中土乍權乍實非合非開憑半滿
 以專文就幻真而引寂要以無文之卽喚回有漏之
 因合相難詮卽心卽得機雖分于初鈍味豈擇于中
 邊蹟懸則相好幽通感至則慈悲冥契匪私開士抑
 納群流且如損米爲煩則魔旬回向陳荅佇警則仙
 客翹誠何止太一像靈啓由余之藏識魚山梵唄寫

子建之問悲者哉南苑真如寺者劍外之名監也竊
相分光琳宮後照四獨瞻禮百刻皈依願戒寶猶虛
勝幢有待繩坊寂寂未窺三藏之全香地惺惺企受
二曇之譯乃有釋閔龍象法侶鵬鴻夙炳信心同盟
願力以爲聖明撫運二百餘年大地法王普天慈
父如茲精舍並蜀禱宥若大夏南隅怛羅東路雖地
隣乎邛雅思仙尋乎光明猶復玉甍仰來琅函踵至
而况劍夔之問近關燕吳之藏遙通非有流瀟懸度
之勞大海枯浮之苦寧辭重繭不致金伊第金版雲

封瑤京天接匪假脩檀之衆疇扶顯密之輪所望善
男子善女人若宰官若長者從歡喜地盡破慳嗔辦
堅固香先乘施度持善財之埒露增法寶之山河毋
謂唐捐乃明信授託人天之花報種方等之根緣庶
使億縛多羅呪摩騰之再至新番鳥蹟儼羅什之初
飛行見十種香泥滿壇躡躡四依圓鏡飛閣鞞鞞清
香淨刹嚴界啓欣見鹿茸之暗乘快聞律論之翼真
無靜居士似有彌因律藏異夢綻光宣地鏡影彌天
金猊方來玉象不遠以此交寧因緣有告此并檀越

本無罅素相莫起分別心須知成住壞空天福猶幻
受相行識佛性皆空過去一切導師亦復奔走默經
婆婆庇宇者欲因標而見月非廢鬼以守蹄大都理
障義流卽屢重未了上根法器卽半偈爲多必若縮
樛形山人希智芥且以熏神染識終怯法達之逃累
妙積慈漸脫彌允之醉揮松枝拂子塵碎波旬灑楊
葉軍持露源炎燄畢竟理融繫表照徹機前永謝集
因頓忘綺樂菴羅果契超騰第一義天翠竹影澄遊
戲眞三昧海岷峨眷屬鬢華盡是吉祥雲江漢淨流

蓮華徧成功德水不辭綺語用表深心莫戀福田直
參道果願得三乘接引八部護持廣度有信有緣成
就無邊無量頃正論常轉浮世相忘末法方興多生
有幸一瞬曾經六十劫寸心能作百千燈勿以蕉沫
之身自作界陰之苦戒定慧時切利貪嗔癡念泥犁
悟徹則多寶現前掉沉則求名退次標題諸品切須
訖取陀羅經首余時何以必安如是名法藏是號真
如是爲真如法藏疏

山書一十八篇

并序

唐劉

蛻

余於山土著書二十八篇大不復物意茫洋乎無

窮自號爲山書

天地之氣復則結者而爲山也融者而爲川也結於

集作爲非其所者安靜而不動融於其時者疏決以集作而

忘其及二字集作返故山之性爲近正川之性爲革爲二

集作融是以處其結者有集作爲君子處其融者爲利人

天地之先未嘗有形故字其形爲人民爲禽蟲萬物

然後受其字據其形之動曰生形之靜曰死嗚呼我

苟不生乎天地先而未嘗用其形竅以出納斯非混

沌之似乎故吾以混沌不曾在天地先而在我之不

爲萬

集無萬字

物鑿者而已矣

壞人者天地也使其數出故觀數以象動則有爭殺

亂患夫數使乎手足故離吾之指爲五視其指而心

亦離則數數入乎心

四字集作入乎

矣故知指生六而爲有

餘生四而爲不足不足與其

集有作

餘也爲體不備鳴

呼心既分身之有餘與不足也則爭殺亂患何嘗不

足盡

二字集作自

其數出

聖人重其生以榆出光濟其用故身體之具出於榆

未而後網罟不足於也

集作以牢養

集作於宮中故

天下忘身以自給嗚呼止有食而棄其餘集作熱而

棄其皮亦足矣是知聖人欲化而更亂其生聽鳳鳴

而吹管果象也故有象竹之聲者必有象葭之器其

集作則造其篇然集作而恥葭集作而恥學者鳳也故不世而未

造其象而恥人學者聖人也故末世而不出嗚呼亂

其生處為一江河鑿而山木集作以為川既出而必伐

舟也舟既入水而蛟魚相對集作以其居泉而遠於

殺者也今則造去聲樂之具成是大道存而異其質大

道亡而運

集作進

其禍

利以勸

集作勸

天下利盡而天下畔道以歸天下道薄

而天下去嗚呼爲利物所開

集作惡

爲道亦不僞故始

受其應者終亦將以應人然則利盡而所畔者必滅

其後道薄而所去者莫不殺其孤而已

城郭溝池以固民也有竊城郭溝池以盜民

集無民字者

則殺人甚於不固夫有竊固之具必有功

集作功

固之

利苟有利之物寇必爭其不堤以臻靖安民以集故

於野則無爭其利則殺

車服妾媵所以奉貴也然而奉天邪來事績者賤去
有車服必有雜佩有妾媵必有娛樂聖人既爲之貴
賤是欲鞭農父子以奉不暇雖有杵臼吾安得粟而
舂之嗚呼教民以杵臼不若均民以貴賤

古之弓矢所以防惡也懷惡者在內所以能避

集作時

弓矢也故射惡未及死而奔械可以殺入於天下天
下從而禁畜私械者嗚呼古之弓矢所以防惡也今
則不然反防人之持弓矢也

萬物無常聲而主聲者定其悲歡則聽在心而耳職

廢也謂雷爲可畏則以畏聲聽之不知有時雷可長

養也謂瑟爲可狎則以狎聲聽之不知有時瑟可流

哀

集作哀

也則有幽思之深砧聲之悲也去家日遠而

聲之悲也嗚呼悲愁果在心也雷與瑟無常聲也

爲學豈有歲故勞於農夫以其有遇世也故佚於使

人然而雖佚不妄

集作忘

學以其勞而未嘗運手是故

死而不得止

集作止

其心苟有志者猶悲日月之易於

人也故謂

集作爲

飛鴻走兔在其中

付大藏之鑰未必有信之友也夫取人之鑰必薦信

以入其中集作受人之託必有精以審其內故大信

者不使人付集作信有道者不使人求

棺衣之厚葬以王禮百姓不貪其死以其愛民不甚
於愛身任時之重必多怨惜居之權必易死是於名
則君子愛身不甚於百姓焉

聖人有意哉故勸善以爵使利爵者樂修夫惡殺人
與殺盜鈞爲仁人之心則亦召盜以爵嗚呼使聖人
無意則勸善不以爵矣故君子爲善不獨樂欲爲一作
與聖人而出是不見仁人之術使爵以召盜乎

食秦人之炙則懷其妻子聞秦婦之嫁則垂涕悲其身當是時亦疑天下之妻矣吾過富貴之門則懷其爵矣及聞秦人以爵死者則垂涕悲其身當是時不顧天下之貴矣

有惡雀鹿

集作爵祿

之甚者掃

集作掃持

帚以驅雀結罟以禁

鹿夫帚罟既可以駭物則帚罟必可以取物嗚呼執其具以逐雀鹿安知不有學其具以取之故善惡去者不必惡其名善逐者不示人以其具

猿鳥不過辟難以其有蔓蔓者必組物夫能過其組

必自破集作駭其心嗚呼髻之組吾髮也帶之組吾腰

集作也線集作附衣之組吾衣集作身也亦是集作不足矣

今蔓在天下安得復破集作駭其心哉

約諸老春遊檄

楊 珉

韶光明媚景物敷榮是條風布暖之時正華髮騁懷
之候綠楊影裡喧呼喚酒黃鸝紅杏鄉中飛舞穿花
紫燕簇簇芳菲似錦青青細軟如茵景物娛人園林
作畫拚藉草欲狂之興偕烟蘿莫逆之交村釀溪毛
莫孤負三川桃柳芒屨竹杖共畱連十里鶯花慨元

祐之者英丰標渺矣思永和之少長觴咏依然飛羽
爵以適情掃碁枰而信手輸贏不計深淺自斟知春
霄一刻值千金見塵世百年無幾日尋幽吊古人間
信有丹丘藐短爭長郭外只餘青塚莫使佳節每從
忙處過休言好老不爲老人開圖一日當兩日之懽
攻破愁城爲上策覺今年非去年之舊不開笑口是
痴人明及晨炊早成星聚

春遊兼看橋塔檄

楊 玄

錦城日麗玉壘風恬市橋官柳藏鴉江路野梅毓豆

杏村桃塢酒帘一望綺霞叢蝶隊蜂衙春事十分晴
晝午儘便東山興發偏宜北海樽開勝遊不必厭頻
頻供俱未嘗嫌草草芳鮮可煮何須翠釜駝峯香冽
堪嘗便是瑤池玉液梓澤蘭亭今已矣閒臨江高閣
何處尋捲雨飛雲孟德周郎安在哉悲吊古名公到
底是殘碑落照彭殤俱爲妄作長短請勿掛懷堯天
舜日有鶯花漢寢唐陵無麥飯逢場作戲得景揮毫
依爛熳以永筵近煮微而秉燭雖梧菊蕭條之暮境
非比壯時然海天空闊之醉鄉極有佳處長虹渡水

到彼岸而千紅萬紫盡渡春光高剎凌空步層階而
四野八荒各呈秀色拚我登臨同放達隨人講說是
神仙夙具八行特迎四皓

黃白君傳

萬曆庚辰作

張大齡

眉州人

君姓鉛氏黃白其字名在尚書禹貢古所稱博太真
人也天地之初有太易太始太初太素君卽太素之
苗裔兄弟五人君居其一元皇五相卽君兄弟蓋公
宰天下云當結繩提提時無所事君汨沒以會運計
崇伯子大會塗山始登名入貢又取其族首山之陽

命大治民容成氏圖魍魎罔兩之形封之九鼎周
有疾君者欲抵之河乃稍稍避亡雄出爭迎君秦人
遣君說六國游士六國士解如關徇蘇從長携君歸
洛陽記其妻嫂妻嫂匍伏非重季子得君多
也秦并六合禁錮君遠族捕得十二人立咸陽門賜
名翁仲劉項入秦君背秦歸劉項高祖得君黨甚多
令聽曲遊侯節制侯遣問楚亞父鍾離昧周殷等雖
號稱骨鯁臣哉亦有貳志已然曲遊亦以嚮君爲時
所讒得魏無知說乃解及吳王濞召致君家謀作亂

君進諫曰臣雖能樹立功業然閱歷世故久矣不能
從王叛也管臣與魯人猗頓游見三桓逼公室今子
孫無遺與越相朱公交朱公親謂臣夫差勾踐之敗
皆由不修德政爭爲雄強臣親事項王見其英勇曠
古一人死亦五體異處大王漢之枝葉能世修恭順
福祚無窮臣請朝夕從大王命王若叛漢臣請去矣
吳王不聽卒與楚淮南等七國反條侯一舉手七王
無噍類君挈族逃漢捕之急望門投止或云在平津
五陵邸或云金張許史陰郭馬鄧及布衣袁廣漢程

舍踪跡無定追司馬繼魏有天下羊氏石氏與
皇后弟愷迎君於家閭後寡爲戲君雖喜交此
三人而獨與石散騎親善石氏所欲皆爲立遂用是
驕爲衆所疾亦其族君又逃匿愈無定在君大都性
倜儻不擇所主倏止倏去法亦嘗貽禍於人至有謂
君寡恩者相提而論豈君之罪實恃君者負君乎然
神明變化入土更精入火更潔入水更粹能分身而
又能聚能以身肖百物所至之地光彩逼人同天地
生後天地不老瞿曇自謂不着亦慕其色化形而得

之老氏之徒得君一切生卽白日仙舉蓋其博大真人哉當時與君雄長者如周天球白珩和璧隋侯明月珠漢吉光裘物不服後皆逡巡退以君之化浹肌膚髓無論中外裔夷窮髮之地非君不行也所不與君通往來者獨春秋間黔婁顏回前則孤竹兩墨生漢有關西楊伯起遼東皂帽客寥寥數子他人得君一顧卽盎然生迺然亦回生拔死出鬼入神天下瞻嘻盡爲君來昧昧下壤壤盡爲君往功德域中無二豈不博大真人哉乃爲之傳張玄子曰昔太史遷遭李

陵之禍得君一椽庶幾哉脫讎室辱乎君竟臥王公
人人家不出其以遷爲非人哉然亦不幸無吳平仲
端木子貢者流爲君言倘言君必出林遷上見君來
必喜遷得不辱遷不辱必得上任用以彼其才隨地
與分就功名不過公孫丞相張車騎將軍耿中丞止
矣安得發憤數十萬言成一家史與孔氏春秋并行
宇宙間寧不遇君或非不幸也君功德甚鉅然與君
親者不敗身卽敗名繳倖已身亦禍來齋語云有甚
矣者必有甚惡此言雖小可以喻大

花奴解

前人

予少讀逍遙遊曰古有大椿者以八千歲爲春八千歲爲秋夫椿卽舜也舜木槿也木槿朝開暮落草木蜉蝣而南華以極壽稱之此卽芥納須彌之義予甚奇其說乃取舜名軒又袁集詩文題曰種槿堂集客有見者微哂云槿名花奴奴爲賤稱公以名軒又以名集於義何居予尚未對客咲而去予思爲花奴解嘲見一丈人排戶而入翠袖玄裳朱唇玉貌冉冉言曰不穀大椿厥星之精也其名木槿又名舜華神農

收之本草尼父采于毛詩至漆園則尊之曰古有大
椿鄧林之材梓澤之卉曾不得與不穀比隆居嘗感
慨知己斤斤自守不敢比匪人汚名德爲南華真君
玷至大唐中葉天后北晨頻携狎臣來遊上苑一日
興發將幸玉津園侍臣奏云凍雪方殘陽和未布姑
待春暖花放以快宸游天后曰朕據六合建九旂走
一檄于四方強臣捍虜奔走惕息靈爽威命先天弗
違何物花神敢方朕命詩以促之於時百花之精畏
其淫威爭獻顏色輕紅嫩綠淡白淺黃婀娜旖旎嬌

嬖辭約天后顧謂侍臣曰陽春在朕口角矣吾獨抗
言不敢妄開蓋吾念此死囚乃文皇先帝所建置顧
此伴侶乃文皇先帝所栽培茲翠華羽葆擁衆客而
醉諸臣寵奸髡而睚惡少者誰乎實文皇先帝之罪
人此曾歷穢兩朝流毒九有弑君之后幽君之子殘
君之族絕君之統華大唐之新命屠天下之忠賢醜
聲四張萬死莫贖少有廉恥之心者當賦視之吾恨
不能棰化弓矢業化刀劍貫其顙而刺其腹爲文皇先
帝報讐而又揚芬吐秀忍恥強顏以供淫褻之戲亦

足羞矣是以寧歛吾蓐寧戢吾肅鼎護在前吾且不
畏而兕貶謫乎時太后頤肝訕嗟曰百花俱慙朕懷
木槿何故反將窳之籬外貶爲花奴至今九百餘年
無人一洗其屈感君取以名軒又以冠其藻製不穀
腐草生光朽株再茁而持論刻薄有如客者更致訛
訕并累於君故不穀以其受貶始末爲君道之張生
揖丈人而進曰慨自廬陵奔虜相郤受錮椒寢出政
鶴監穢朝侯吉起告密之門來周張羅織之獄私門
興斜封之勅管婢騰鬼朴之譏天下士大夫誰不受

其寵絡丈人堂堂乎召之不來林之不懼似欲與魏
元忠張說共竄而不忍與李昭德吉頊共處於朝堂
似欲與姚元之宋璟同逐而不忍與來俊臣侯思禮
共立於殿陛似欲與唐之奇賂賓王同死而不忍與
宋之間宗楚客共遊於奉虛公挺挺大節貫金石通神
明唐室諸臣陪輦遊幸者不汗顏而媿死乃同聲曰
花奴是以鵬笑鵠雛也夫九鼎不辱于秦皇卯金刀
不辱于新莽武帝承露之銅人不辱于魏明帝玄宗
卿杯之舞璫不辱於安祿山今丈人不辱於天后皆

以無情含靈之物大者忠節數子俱蒙褒美子尚不
改花奴冤哉子乎吾請謚子爲節壽先生一明丈人
之志一奉南華之旨子謂何如丈人愴然下拜曰不
穀九百年前得莊叟爲知己九百年後得君爲知己
知己可不謂難哉拜受嚴謚鏤心結草矣遂不見張
生恍然非夢非幻召前客來莫知其處

書趙大洲會墨

蘇惟霖

文肅先生一代法眼霖生也晚雖不及面承針剗而
誦其詩讀其書尚侔其世不礙來往久矣當與江陵

張岌師共事時先生口無擇言岌師不露一字各行
一意永乳相函一日岌師微諷以沉幾則作色而呼
曰張子尔一副臉吾一張嘴今俱入贅黃扉却作
此改頭換面語至今令人聞之頑懦立起賊鸞跋扈
狡虜鳴張舉朝噤不能吐舌而班列倡言行間籌畫
天子爲之改容六師爲之動色云云今令人聞之忠憤
鬱勃先生何如人哉霖生有書畧採擇亦酷獨于先
生雖片言隻語如獲天球大寶寧不忍脫手也向以西
垣共事之誼交于文孫光大君爲父其美秀而文能繩

祖武則叩以先生遺墨知其有經世通古世通各百
卷手書盈篋歲久爲蠹魚飲啄凡八根根數年奔走
南北比從河漕故事回復有三晉之役倥偬塵土中
忽從光大所得先生會墨讀一過文詞古質書法遒
上夫先生之有文名舊矣而不以書著今觀其書鐵
骨峻峭金姿奔溢太非近日名家所能彷彿先輩風
神宛然在目矣夫凡之錄新鄭之精神也辛未之
錄江陵之作州也言爲心聲關係世運豈淺鮮哉是
日方與沈仲潤論德縱談近日文章之萎脆根于人

心之浮薄不勝江河之感歸而得此讀至子貢學于
萬而不足夫子守其一而有餘不覺拍案吐氣先生
橫口所說高步所履游戲拍天風浪而中流自在老
不知視子貢何若至夫新鄭江陵與先生在伯仲間
而以其問道也先生何如人哉篝燈急綴數語歸之
以娛觀者着眼云